



Kajitōk ko Rekut ilo Waanjoñok eo an Keij in COVID-19

- Jabdewōt armij eo teej eo an enaj kwalok ewōr COVID-19 ilo Oregon rej aikuj kadedelok waanjoñok eo. Ñe kwōdiklok jen 15 am yiō, kajitōk an jinom ak jemom/rikejbarok kadedelok peba in ibbam.
- Ewōr waanjoñok eo ilo 12 kajin ko.
- Kwōnaj aikuj internet ñan kadedelok Waanjoñok eo an Keij in COVID-19. Ñe ejellok am internet ak kwōkōnaan an armij jibañ kwe jouj im kall ae tōk kim ilo 866-917-8881 ñan am kenono ibben juon rijerbal in public health.
- Joñan ien eo ekkā ñan kadedelok waanjoñok eo ej ikōtaan 20-45 minit.

K. Ta eo in kōmmāne elañe teej eo aō enaj kwalok ewōr nañinmij eo?

- [Kōjenolok kwe make.](#)
- [Ba ñan armij ro elab am ebaake er](#) im jabdewōt armij kwar kebaake er ilo raan ko maanlok.
- Ñe ewōr am kajitōk ak kwōj aikuj jibañ? Kūrlok 866-917-8881 ñan am kenono ibben juon rijerbal in public health.
- Kadedelok [Waanjoñok eo an Keij in COVID-19.](#)

K. Ta in Waanjoñok eo an Keij in COVID-19?

Ej juon waanjoñok ñan armij ro emōj an teej kwalok ewōr aer nañinmij in COVID-19. Rej lewaj ejjā kajitōk ko rijerbal in public health rekujon kajitōk ilo ien aer kall ae armij ro teej ko aer ej kwalok ewōr nañinmij eo ibbeir. Ilo an kōmman waanjoñok in online, ej kōmelim an Oregon Health Authority (OHA) bōk aoleben ejjā melele ko kim kujon kar bōke iomwin jorrān eo elab im ear jelōte aoleben lal in kin wāween an COVID-19 jelōte kwe im jukjukinbed eo am.

K. Ij ke aikuj bōk waanjoñok in?

An juon make bebe in kōmmāne waanjoñok eo. Uwaak ko am remool enaj jibañ kim melele wāween an kij in nañinmij eo makūtkūt ilo jukjukinbed eo am im lelok mennin jibañ ko ñan ro elabtata aer aikuj bwe ren jab nañinmij.

K. Ewi toon an naj bōk?

20-45 minit ekkar ñan kain makūtkūt ko kwar kōmmani mokta im alikin am nañinmij, im melele in ejmour im nañinmij ko am make jen moktalok.

K. Etke jej ukōte waanjoñok in keij eo jen kall ko ilo talebon ñan online?

Public health eo an jukjuginbed emōj an kajeoñ in kebaak aoleb keij, bōtab kin an lablok keij ko im lablok an armij teej ilo moko mweir, ediklok armij ro remaron tōbare er. Kim ej kajitōk am jibañ kim aen melele ko raurok ilo juon waanjoñok online, bwe jet rijerbal in public health ren maron bar kōmōkaj aer etale ajeeded in nañinmij ko elab joñan uwōta im lelok jermal in public health ko jet raurok ñan mour ko an armij.

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wāween ko jet einwōt ukok ko, jeje kileb, ak jeje ko an ribilo. Kebaak Jikin Bōk Melele kin COVID-19 ilo 1-971-673-2411, 711 TTY ak COVID19.LanguageAccess@dhsosha.state.or.us.